



# **Golfklúbbur Akureyrar**

## **Skýrsla stjórnar 2010**

**1. nóvember 2009 – 31. október 2010**



## Golfklúbbur Akureyrar Stjórn og nefndir starfsárið 2010

### Aðalstjórn

Formaður:	Halldór Rafnsson	eitt ár
Varaformaður:	Rúnar Antonsson	seinna ár
Ritari:	Gunnar Vigfússon	fyrri ár
Gjaldkeri:	Arnar Árnason	seinna ár
Meðstjórnandi:	Örn Viðar Arnarson	fyrri ár

### Varamenn í stjórn

1. varamaður	Svanhvít Ragnarsdóttir	seinna ár
2. varamaður	Halla Berglind Arnarsd.	fyrri ár

### Vallarnefnd (GSÍ)

Formaður	Örn Viðar Arnarson
	Eyjólfur Ívarsson
	Kjartan Sigurðsson
	Sverrir Þorvaldsson
	Magnús Ingólfsson
	Heimir Jóhannsson
	Jónas Bjarnason
	Jón S. Hansen

### Kapleikjanefnd (GSÍ)

Formaður	Gunnar Vigfússon
Yfirræsir	Stefán Haukur Jakobsson
Dómari	Tryggvi Jóhannsson

### Forgjafarnefnd (GSÍ)

Formaður.	Tryggvi Aðalsteinsson
	Stefán Jónsson
	Fylkir Þór Guðmundsson

### Aganefnd (GSÍ)

Formaður	Björn Axelsson
	Ólafur Búi Gunnlaugsson
	Aðalheiður Alfreðsdóttir

### Afreksnefnd

Formaður	Rúnar Antonsson
	Kristján Kristjánsson
	Skúli Ágústsson
	Birgir Haraldsson
	Golfkennari GA

### Arctic Open

Formaður	Jón Birgir Guðmundsson
	Guðmundur Ómar Pétursson
	Kristinn Svanbergsson
	Hanna Dögg Maronsdóttir
	Björn Gíslason
	Framkvæmdastjóri GA

### Fjáröflunarnefnd

Formaður	Rúnar Antonsson
	Friðrik Sigþórsson
	Framkvæmdastjóri GA



### **Nýliðanefnd**

Formaður

Svanhvít Ragnarsdóttir  
Karl Guðmundsson  
Svandís Gunnarsdóttir  
Arinbjörn Kúld

### **Unglinganefnd**

Formaður

Halla Berglind Arnarsdóttir  
Harpa Ævarsdóttir  
Anna Einarsdóttir  
Anton Ingi Þorsteinsson  
Karen Ingimarsdóttir  
Sigmundur Einar Ófeigsson  
Golfkennari GA

### **Öldunganefnd**

Sunna Borg  
Þórunn Anna Haraldsdóttir  
Guðmundur E. Lárusson  
Jóhann Jóhannsson

### **Húsnefnd**

Formaður:

Kári Guðmundsson  
Ingólfur Bragason  
Kári Már Jósavinson

### **Orðunefnd**

Rúnar Antonsson  
Svanhvít Ragnarsdóttir  
Frankvæmdastjóri GA

### **Skoðunarmenn ársreikning**

Sveinn Pálsson  
John Júlíus Cariglia

### **Inngangur frá formanni**

Ágætu kylfingar! nú er lokið 75.afmælisári Golfklúbbs Akureyrar og var þess minnst á ýmsan hátt. Sérstaklega skal getið útgáfu blaðs um klúbbinn og stutt ágríp um starfsemi hans, sem var í höndum Rúnars Antonssonar og Margrétar Þóru Þórsdóttur. Á afmælisdaginn var opið hús fyrir GA félagi og mættu margir til að minnast þessara tímamóta.

Þess má einnig geta að Akureyrarbær lét gera tillögu að deiliskipulagi á svæði klúbbsins og var sú vinna í höndum Teikn, ráðgjöf og hönnun og Edwins Roalds, golfvallarhönnuðar, er sú vinna í kynningarferli hjá Akureyrarbæ.

Nú er ljóst að Golfbær hefur fengið varanlega inniaðstöðu í kjallara Íþróttahallarinnar ásamt hluta nýbyggingar Þrekhallarinnar og er verið að vinna við framkvæmdir svo hægt sé að byrja þar. Eins og undanfarin ár hefur verið unnið að nýframkvæmdum við völlinn og hafa þessar framkvæmdir fengið mikið hrós frá gestum okkar.

Það er von okkar í stjórn að það góða samstarf sem hefur verið við kylfinga megi halda áfram og okkur takist að ljúka þeim framkvæmdum sem samið hefur verið um, sem fyrst.

Félagafjöldi í lok árs er 675.



## Skýrsla Vallarnefndar

Framkvæmdir byrjuðu snemma þetta árið. Miklar endurbætur fóru fram á 3. braut svo sem vinna við mön, nýr lækur mótaður frá æfingaflötum gegnum 2. og 3. braut og tjörn milli 2. og 3. þá var unnið í nokkrum teigum og þeir endurbættir og lagaðir. Vökvunarkefi sett á 7. flöt og í nokkra teiga.

Vinnudagur var svo þann 15.maí og mættu um 70 félagar og unnu hörðum höndum við hin ýmsu störf. Völlurinn var svo opnaður með golfmótinu Vinnufúsir.

3 nýjar æfingaflatir voru opnaðar þann 23.júní sem er mikil bylting fyrir félagi GA, bæta mætti þó umgengni á og við flatirnar.

Opnað var inn á nýja 17.flöt í september og var spilað á henni út golfárið.

Fjórðing var í nýrri röffvél á haustmánuðum þar sem ein röffvél réð illa við þetta feiknarstóra röffsvæði. Ennfremur er búið að leggja drög að kaupum á nýrri brautarsláttuvél sem kæmi þá næsta vor.

Framkvæmdir tókust almennt vel og fékk Jaðarsvöllur gott umtal, frá þeim fjölmörgu keppendum opinna móta og annarra kylfinga sem heimsóttu okkur í sumar. Fjölgað var um 4 starfsmenn í sumar sem átti mikinn þátt í því hversu miklu betur gekk með allar framkvæmdir og styrkingu.

Vill vallarnefnd og vallarstjóri þakka öllum þeim sjálfbodliðum sem lögðu hönd á plóg. Er það okkar einlæg von að sjá sem flesta að ári.

## Skýrsla kappleikjanefndar

Mótahald sumarsins var með hefðbundnum hætti eins og verið hefur undanfarin ár. Sumarið fór rólega af stað, styrktarmót unglíngaráðs, Sumargleðin var á sínum stað auk hefðbundinna vormóta. Fyrsta stórmót sumarsins var Arctic Open og er fjallað um það í sér kafla hér á eftir.

Júlímánuður var rólegur í mótshaldi þar sem stefnan var að hafa völlin opinn fyrir félagana og gesti í aðalsumarfrismánuðinum. Við héldum þó eitt mjög vel heppnað kvennamót Volare Open þar sem öllum konunum var boðið upp á fótabað og axlarnudd. Skemmtileg nýjung sem mæltist mjög vel fyrir. Einnig var eitt lítið öldungamót haldið hér í júlí.

Meistaramótið er eitt stæðsta mót sumarsins. Í Meistaramóti klúbbsins í ár voru skráðir til leiks 128 keppendur í 12 flokkum fullorðinna og um 50 börn og unglíngar. Það er heldur færra en á síðasta ári en þá var metþátttaka. Leiðinlegt veður og veðurspá hefur greinilega haft áhrif á skráningu og afskráningu úr mótinu.

Klúbbameistarar voru þau Örvar Samúelsson hann lék á 293 höggum og Halla Berglind Arnarsdóttir hún lék á 365 höggum.

Ágúst mánuður var einnig með hefðbundnu sniði en þar eru nokkur stórmót sem haldin eru á hverju ári. Verslunarmannahelgarbomban er þar fyrst, svo Bautamótið, Hjóna- og parakeppni GA, Lostætis og Hótel Akureyrar og í lok ágúst Mitsubishi Open og lokamót í unglíngamótaröð norðurlands Greifamótið. Auk þessa var nýtt mót á mótaskránni Herramót Heimsferða og Rub23, sem mæltist mjög vel fyrir og er komið til að vera. Þar voru keppendur tæplega 100 og var keppt um forláta jakka auk glæsilegra verðlauna.

Veitt voru verðlaun fyrir "best klædda kylfinginn" og valdi dómnefnd Hauk Dór Kjartansson best klædda kylfinginn. Þess má geta að uppselt var í öll þessi stórmót í ágúst.



Sveitakeppni GSÍ öldunadeild var haldin hér í águst, 23 sveitir voru skráðar til leiks í 1. og 2. karla og 1. deild kvenna. Karlasveit GA sigraði en kvennasveitin féll niður í 2. deild.

September var með sín föstu mót, firmakeppni, bændaglímu, liðakeppnin AM AM og vinnufúsir voru á sínum stað. Þar sem október var mjög góður veðurfarslega og völlurinn í sínu besta standi var ákveðið að halda eitt gott lokamót og rann öll innkoma af því til unglingaráðs.

Holukeppnin var svo spiluð í allt sumar og var mikil og góð stemming í þeirri keppni. Holumeistari GA í ár var Anton Ingi Þorsteinsson, en hann háði einvígi við bróðir sinn Konráð Vestmann Þorsteinsson kokk og í 3. sæti var annar kokkur Albert Hannesson.

Auk þeirra móta sem eru upp talin í þessari samantekt þá var haldin hér fjöldi fyrirtækjamóta bæði stór og smá svo mikið hefur verið um að vera hjá okkur í sumar. Vill stjórn GA þakka öllum þeim fjölmörgu styrktaraðilum, sjálfboðaliðum og starfsfólki sem komu að mótahaldinu á einn eða annan hátt kærlega fyrir þeirra störf.

*Úrslit allra móta GA er að finna á [www.golf.is](http://www.golf.is) og [www.gagolf.is](http://www.gagolf.is) undir fréttir.*

## Skýrsla Arctic open

Arctic Open mótið var haldið dagana 24. – 26. júní.

Að venju hófst undirbúningur fyrir mótið strax að loknu síðasta móti. Það hefur lítið breyst í viðskiptaumhverfinu hvað varðar aðkomu fyrirtækja að viðburðum sem Arctic Open og eru fyrirtæki ekki tilbúin til að senda starfsmenn og viðskiptavini á mótið í sama mæli og áður. Markaðssetning mótsins og skipulag tók því mið af þessari staðreynd en samt sem áður höfum við reynt að leggja í umgjörð mótsins eins og verið hefur, þó ekki eins og þegar best lét.

Að venju þurfti að leggja nótt við dag síðustu daga fyrir mót til að tryggja að allir hlutir væru í fullkomnu lagi. Fjölmargir GA félagar hjálpuðu til við undirbúning og framkvæmd mótsins og er þeim þakkað kærlega fyrir sína framgöngu.

Framkvæmd mótsins tókst í alla staði vel og voru veðurguðirnir okkur hliðhollir og fengu keppendur miðnætursól bæði fyrir mótið og í mótinu sjálfu. Það gerist ekki betra.

Flugfélag Íslands var aðal samstarfsaðili um framkvæmd mótsins og verðlaun voru gefin af Golfbúðinni Hafnarfirði og NTC versluninum. Öllum þessum aðilum þökkum við samstarfið og bindum miklar vonir við þátttöku þeirra í framtíðinni.

Þátttakendur á mótinu voru 147 sem við mótshaldarar vorum mjög sátt við og var ræst út frá kl. 16.00 fram að miðnætti.

Í ár var ákveðið að vera ekki með söfnun á 18. holu eins og verið hefur undanfarin ár sökum þess að ekki þótti stemming fyrir því miðað við þær undirtektir sem við fengum frá fyrirtækjum en aldrei að vita nema þetta verði tekið upp aftur að ári.

Á hverju ári fer mikil vinna í að markaðssetja mótið þó það hafi sinn fasta sess. Alltaf er reynt að finna nýjar leiðir til að koma mótinu á framfæri við ferðaskrifstofuaðila bæði hér á landi og erlendis og viðhalda viðskiptasamböndum við stuðningsaðila og aðra sem að mótinu koma.



Það er trú okkar að mótið muni áfram skila þeirri skemmtun og athygli sem það hefur gert og geti á komandi árum farið að skila jafn miklum tekjum til GA og þegar best lét.

F.h Arctic Open nefndarinnar.

Jón Birgir Guðmundsson og G. Ómar Pétursson

## Skýrsla unglínganefndar

Unglingaráð hittist í byrjun árs 2010 til að skipuleggja komandi ár.

Veturinn hófst á Púttmótaröð sem var haldin í Golfbæ til styrktar eldri unglíngum og í framhaldi af því hófust æfingar inni.

Í febrúar var haldinn sameiginlegur fundur með tengiliðum frá öllum golfklúbbunum sem koma að norðurlandsmótaröðinni og hún skipulögð.

Í byrjun mars hittust svo börn, unglíngar og foreldrar í Golfbæ og skemmtu sér við ýmsar þrautir og svo var endað á pizzahlaðborði.

Páskamót með þrautum og leikjum var haldið í Boganum í lok mars, við góðar undirtektir barna, unglínga og foreldra.

Sumardaginn fyrsta var svo haldið árlegt kaffihlaðborð unglíngaráðs og stóðst það væntingar allra með miklum sóma.

7. – 10. maí fór 26 manna hópur í æfingaferð á Akranes. Reynt var að hafa ferðina sem ódýrasta og við fengum gistingu í skóla sem sparaði töluvert mikið. Skemmst er frá að segja að sú ferð heppnaðist gífurlega vel og allir voru mjög ánægðir. Okkar völlum opnaði svo um miðjan maí og þá hófust æfingar af fullum krafti.

Í júní bauð GHD upp á nokkurra daga golfævintýri og fóru sum af okkar börnum þangað. Þeim lauk svo með fyrsta móti í norðurlandsmótaröðinni. Mótin þar voru 4 talsins og stóðu okkar krakkar sig frábærlega. Í 8 flokkum átti GA 5 Norðurlandsmeistara.

Nokkrir unglíngar kepptu á stigamótaröð GSÍ í sumar og stóðu sig afar vel.

Ólafur Gylfason og unglíngaráð stóðu fyrir nokkrum minni mótum fyrir börn og unglínga í GA sem tókust með miklum ágætum. Sérstaklega má nefna Ryder keppni en krökkunum fannst það mjög gaman.

Klúbburinn okkar hélt svo Nettómót þar sem sérmót var fyrir börn og unglínga. Það tókst frábærlega og elstu krökkunum þótti ekki ónýtt að fá að spila að kvöldi til.

18 – 20 júlí héldum við með stóran hóp á Íslandsmót í högggleik til Vestmannaeyja.

Keppnin til að komast inn í mótið er orðin mjög hörð. Á síðasta ári komust drengir 14 ára og yngri inn með 22 í forgjöf. Í ár þurftu þeir að vera komnir í 17,5 til að komast inn. Einungis 36 komast í mótið í hverjum flokki og GA átti 8 fulltrúa í þessum flokki. Þeir stækkuðu svo mótið aðeins þannig að einn GA félagi bættist við. Af 12 stúlkum 14 ára og yngri, eigum við 2 og svo er einn í flokki 15-16 ára og ein stúlka í 17 -18 ára. GA átti því að þessu sinni 13 ungmenni sem eru komin með það lága forgjöf að þau komast inn í þetta mót, 3 stúlkur og 9 drengi. Segir það mikið um hið góða starf sem GA er að vinna með unglíngunum.

Krakkarnir stóðu sig öll með miklum sóma og margir töluðu um hvað væri mikið af GA fólki á mótinu.



10. ágúst forum við á Húsavík þar sem haldin var æfingasveitakeppni en þetta var nokkrum dögum fyrir stóru sveitakeppnirnar. Sveitakeppni 14 ára og yngri var haldin í Þorlákshöfn og þar átti GA 2 strákasveitir. Sveitakeppni 16 – 18 ára var haldin á Leirunni í Keflavík. Þar átti GA eina stúlknasveit og svo var ein sameiginleg sveit drengja frá GA, GH, GSS og GÓ. Þessar sveitir stóðu sig geysilega vel og voru klúbbum sannarlega til sóma. Stúlkurnar komu heim með 3. verðlaun.

Lokamótið í norðurlandsmótaröðinni var svo haldið á Jaðri í lok ágúst og tóks mjög vel til. Keppendur voru um 120 talsins.

Haustveðrið var yndislegt og æft var til septemberloka.

9.október var svo haldið opið golfmót til styrktar unglingaráði þar sem þátttaka fór fram úr björtustu vonum. Stefnt verður að því ef hægt verður að ljúka sumrinu með slíku móti framvegis.

Golfárinu lauk svo með lokahófi 28. október þar sem veittar voru viðurkenningar fyrir sumarið.

Alls æfðu rúmlega 100 börn og unglingar golf í sumar. En um 130 börn og unglingar greiddu árgjald til GA. Það er ljóst að styrkja þarf unglingastarfið og má reikna með að það þurfi aðstoðarmann (konu) með Óla næsta sumar ef aðsókn verður eins.

Unglingaráð vill þakka starfsmönnum GA sem og öllum þeim foreldrum sem unnu vel með börnunum í sumar.

## Skýrsla Nýliðanefndar

Nýliðastarfið á líðandi starfsári var með svipuðu sniði og í fyrra.

Konurnar okkar standa alltaf fyrir sínu með miðvikudagskvöldin þar sem að þær spila með óvönum konum og segja þeim til með einfaldar reglur, umgengni og kurteisvenjur.

Áfram var spilað með nýliðum og var leitað til klúbbsmeðlima um að vera með í vanur og óvanur nokkur kvöld í sumar og voru margir sem gáfu kost á sér í að vera með. Norðurvöllurinn var lokaður á meðan til að nýliðar væru ekki að spila undir pressu sem mælist vel fyrir hjá nýliðum. Þetta voru 5 spilakvöld og mikil og góð þátttaka og allir nýliðar sem og námskeiðsfólk sem verið höfðu hjá Óla í kennslu voru mjög ánægð með þessi kvöld og er um að gera að halda áfram með þetta verkefni.

Eitt nýliða/háforgjafarmót var haldið í júní spilað var með texas scramble fyrirkomulagi sem hentar mjög vel fyrir háforgjafarkylfinga og mættu um 50 manns í mótið.

Framhalds- og grunnskólar bæjarins eru mjög duglegir að koma með nemendur á golfvöllinn og er það að skila sér í fjölgun barna og unglunga sem koma á námskeið.

Æfingavöllurinn við Miðhúsabrautina var mikið notaður í sumar svo og hin stórgóða pútt og vipp aðstaða sem komin er hér og mun þetta allt hjálpa til við að fá nýtt fólk til að prófa íþróttina.





Fyrirhugað var að halda reglu- og golfsiðanámskeið síðastliðinn vetur en ekkert varð úr því og mun verða gerð bragabót þar á.

## Skýrsla kvennanefndar

GA konur komu saman á matarfundum á Strikinu 11.mars 2010

32 konur mættu á þennan aðalfund kvennadeildar.

Kvennanefnd GA skipa þær: Auður Dúadóttir, Unnur Elfa Hallsdóttir

Edda Aspar, Margrét Þórðardóttir, Sólveig Sigurjónsdóttir

Vorferðin kynnt og ákveðið að fara á Sauðárkrók helgina 15 og 16.maí .

34 konur fóru í ferðina sem tókst í alla staði mjög vel.Gist var eina nótt.

En eftir á að hyggja er þetta svolítið snemmt til að spila golf á Norðurlandi.

Fjögur miðvikudagsmót voru haldin –Vön og óvön- Tilgangurinn er að bjóða nýjar konur velkomnar í hópinn. Til að ná konum saman eftir spil buðum við upp á kakó og eitthvað brauðmeti með.

Hatta og pilsamót haldið 30. júlí um 50 konur voru mættar til leiks, skrautbúnar að vanda.

Lokapunkturinn var síðan Súpukvöld 9. september.

45 konur mættu , kölluðum það reyndar slúttkvöld þar sem ekki var boðið upp á súpu heldur sjávarréttu paellu.

Þökkum fyrir gott golfsumar og hlökkum til þess næsta

## Skýrsla öldunganefndar

Öldungaráðið hittist á nokkrum fundum og var eina sameignlega verkefnið á dagskrá þetta árið Sveitakeppni öldunga sem fram fór á Jaðarsvelli. Oft hafa verið deilur um val í sveitir klúbbsins og var sú nýbreytni tekin upp að klúbbmeðlimir gæfu kost á sér í sveitirnar og skiluðu inn ákveðnum fjölda skorkorta. Síðan átti að nota tíma fyrir mótið til að æfa saman og finna út hentugustu samsetningu sveitanna. Þetta gekk ekki alveg eftir og er slæmt að ekki skuli vera meiri metnaður fyrir þátttöku í þessu móti. Það er skemmst frá því að segja að karlasveitin varð Íslandsmeistari í sveitakeppni öldunga eftir ævintýralegan sigur á GR á lokadegi. Kvennasveitin féll í 2. deild.

Sigursveit karla skipuðu þeir, Björgvin Þorsteinsson, Hafberg Svansson, Halldór Rafnsson, Haraldur Júlíusson, Sævar Gunnarsson, Viðar Þorsteinsson, Þórarinn B. Jónsson, Þórhallur Pálsson, liðstjóri var Guðmundur Lárusson.

Kvennasveitina skipuðu þær, Aðalheiður Guðmundsdóttir, Halla Sif Svavarsdóttir, Sunna Borg, Unnur Elva Hallsdóttir, Þórunn Anna Haraldsdóttir og Þórunn Bergsdóttir sem jafnframt var liðstjóri.





## Skýrsla Afreksnefndar

Afreksnefnd kom saman 3 sinnum á liðnu starfsári, auk sérstakra verkefna. Tvö mót voru haldin á vegum nefndarinnar eins og á undanförunum árum eitt í byrjun sumars og svo Am-am mótið í lok september en það mót var nú í fyrsta skipti fullbókað sem sýnir að vinsældir þess aukast ár frá ári.

Við viljum sérstaklega þakka Vífilfelli og Norðlenska sem koma mjög myndarlega að því móti með því að gefa verðlaun og mat.

Norðurlandsmótaröðin hélt áfram í sumar og virðist vera að styrkja sig meira og meira, það eru frábærar fréttir fyrir alla keppniskylfinga á norðurlandi.

Nú á haustdögum var komin niðurstaða vegna húsnæðis fyrir innanhúsæfingar á vegum G.A. og fáum við góða aðstöðu í kjallara íþróttahallarinnar. Vinna við æfingaaðstöðuna þar er nú í fullum gangi undir stjórn Steindórs vallarstjóra og hafa margir kylfingar komið þar að með frjálsu vinnuframlagi og verður spennandi að sjá hvernig til tekst.

Nýr þjálfari okkar Ólafur Gylfason fór vel af stað eins og við var að búast og hafði hann umsjón með allri þjálfun og val í keppnislið á vegum G.A. Árangur G.A. var ágætur á sl. sumri og stefnt er að því að bæta hann ár frá ári. Vert er að geta þess að keppnissveit karla sigraði 2 deildina og keppir þar af leiðandi í fyrstu deild næsta sumar. Einnig átti Örvar Samúelsson gott sumar og varð hann einnig klúbbameistari annað árið í röð og níundi á Íslandsmótinu í Kiðjaberginu og síðast en ekki síst jafnaði hann vallarmetið þar svo eftirminnilega með 6 fuglum í röð. Einnig má geta þess að Stefanía Krístín Valgeirsdóttir átti mjög gott sumar en hún keppir í unglingsflokkum og varð í 6 sæti á Íslandsmótinu í Vestmannaeyjum. Einnig varð hún Norðurlandsmeistari stúlkna í flokki 17-18 ára og í öðru sæti í Meistaramótinu þar sem hún keppti í meistaraflokki.

Mikil fjölgun er hjá okkur á meðal þeirra yngstu og eru það frábærar fréttir fyrir klúbbinn, umræða hefur verið í gangi um að styrkja við þjálfunina undir stjórn Ólafs vegna þessa og klúbburinn hefur verið með í skoðun að leggja meira fé til afreksþáttar kylfinga á vegum G.A. Í framhaldi af því hefur verið tekinn ákvörðun um að tengja betur unglingsstarfseminu og afrekssvið G.A. við aðalstjórnina. Með þessu móti vonum við að geta betur staðið við og elft unglinga og afreksstefnu Golfklúbbs Akureyrar.

Að lokum þakka ég samstarfsmönnum mínum í nefndinni ánægjulegt samstarf og hvet alla kylfinga að æfa vel í vetur í nýrri og glæsilegri inniaðstöðu okkar.

Rúnar Antonsson, form. Afreksnefndar.

### Lokaorð.

Þegar við hefjum nýtt starfsár er ljóst að ekki batnar starfsumhverfi okkar eins og víðar í samfélaginu, en við vonum að hægt sé að standa undir þeim kröfum sem kylfingar gera til vallarins. Hvert starfsár er áskorun til stjórnar og nefnda klúbbsins til framfara og er það von okkar að klúbbfélagar sjái breytingar í þá átt á hverju ári.

Halldór M. Rafnsson  
Formaður GA